

Engelland & France sont en de combat en de

68 De l'Aquilon les efforts seront grands:
Sus l'Ocean fera la porte couverte,
Le regne en l'isle sera reintegrand:
Tremblera Londres par voile descouverte.

Le roy Gaulois en chemin Gaulois C.

69 Le roy Gaulois par la Celtique dextre
Voiant discorde de la grand Monarchie,
Sus les trois pars fera fleurir son sceptre,
Contre la cappe de la grand Hirarchie.

Le dard du ciel

70 Le dard du ciel fera son extendue
Mors en parlant: grande execution.
La pierre en l'arbre, la fiere gent rendue,
Brut, humain monstre, purge expiation.

71 Les exilés en Secile viendront
Pour deliurer de faim la gent estrange:
Au point du iour les Celtes luy faudront:
La vie demeure à raison: roy se range.

Gaulle & Italie & France

72 Armée Celtique en Italie vexée
De toutes pars conflit & grande perte:
Romains fuis, ò Gaule repoulsée:
Pres du Thesin, Rubicon pugne incerte.

Au